

خَطِ اَوَّلِ پوُلُسِ بَلَدِه تيموتائوس

سلام ها

۱ از طرفِ پوُلُسِ، يکي از رَسُوْلای عیسیٰ
مسیح، دَ حُکْمِ خُدا نِجاتِ دِهِنْدِه مو و دَ
اَمْرِ عیسیٰ مسیح اُمیدِ اَز مو، ۲ بَلَدِه تيموتائوس
باچِه حَقِيقِي مِه دَ وَسِيْلَه ايمان: فَيض، رَحْمَت
و سَلَامَتِي از جَانِبِ آتِه مو خُدا و مَوْلای مو
عیسیٰ مسیح نَصِيْب تُو شُنِه.

اَخْطَار دَ بَارِه تَعْلِيْمای غَلَط

۳ و خْتِيكِه سُونِ وِلايَتِ مَقْدونِيه رِي سُدْم،
ما دَز تُو تَاكِيْدِ كُدْم و آلِي ام بَطُورِ جِدِي از

تُو خَاهِشِ مُونْمُ که دَ شَارِ اِفْسُسِ بُمَنِ تا دَ
 بعضی آدمای که تعلیمای غَلَطِ میدیه، حُکم
 کنی که اونا ای کارا ره قوی کنه. ^۴ دَ بِلِه ازوا
 حُکم کُو که دَ قِصّه های رقم رقم و دَ شَجَرِه
 نامه های دُوردراز تَوَجّه نَکنه، چُون ای چیزا دَ
 جای ازی که نَقشه و کارای خُدا ره پیش بُره،
 باعِثِ سِتیزه و بَحْثِ ها مُوشه. ^۵ لیکن هَدَفِ
 حُکمِ ازمو، مِهر و مُحَبَّتِ آسته که از دِلِ پاک،
 از وِجْدانِ صاف و از ایمانِ خالِصِ سرچشمه
 میگیره. ^۶ بعضی مردُما ازی چیزا رُوی گردو
 شُدِه خود ره دَ تورای پُوچِ راه گُم کده. ^۷ اونا
 میخایه که معلِمای شریعت بشه، دَ حالیکه هیچ
 نَمُوفامه که چی مُوگیه و دَ باره چیزخیل ای
 رقم بااطمینان گپ میزنه. ^۸ مگم مو میدنی که
 شریعت خُوب آسته، بشرطی که دَ طَریقَه صحیح
 از شی استفاده شنه. ^۹ مو ای ره ام میدنی که
 شریعت بلده آدمِ صادقِ تعیین نَشُدِه، بلکه برای
 کسای تعیین شُدِه که شریعت ره میده مُونه و

سرکش آسته، بلده خدا ناشناسا و گناهکارا،
 بلده آدمای ناپاک و دنیایی، بلده کسای که آته
 و آبه خو ره قتل مونه و بلده دیگه آدمکشا،
 ۱۰ بلده زناکارا و همجنس بازا، بلده آدم دُزا و
 دروغگویا و بلده کسای که قسمِ دروغ مُوخوره
 و یا هر رقم کارای دیگه مونه که دَ خِلافِ تعلیم
 دُرست بشه. ۱۱ امی تعلیمِ دُرست که دَ مُطابِقِ
 اِنجیلِ پُر جلال آسته از طرفِ خدای مُتبارک دَ
 عَهده ازمه ایشته شده.

لُطفِ خُدا دَ سرِ پوُلُس

۱۲ ما از مسیح عیسی مَولای مو شُکرگزار
 اَسْتُم که مَره قُدرت دَد و وفادار حِساب کده لایق
 ازی دِید که ما بلده شی خِدمت کُنم، ۱۳ اگرچه
 دَ زمانِ سابق ما یگِ آدمِ کُفرگوی، مردُم آزار
 و ظالمِ بُوْدُم، لیکن باو جُودِ اَزو ام خُدا دَ بِلِه
 ازمه رَحْم کد، چراکه بے ایمان بُوْدُم و نَمُوفامِیدُم
 که از جهالت چیز کار مُونُم. ۱۴ واقعا، فیضِ

مَوَلایِ مَوْ بے حَدِ پَریمو قَد اِیْمَانِ وَ مُحَبَّتِی
 کِه دَ عِیْسَىٰ مَسِیْحِ وَ جُودِ دَرِه، دَز مِه رَسِیدِ.
 ۱۵ ای توره دُرُست وَ کَامِلًا قَابِلِ قَبُولِ اَسْتِه
 کِه مَسِیْحِ عِیْسَىٰ دَ دُنْیَا اَمَدِ تا گُناهِکارا رِه
 نِجَاتِ بَدِیَه کِه کَلانْتَرِینِ ازوا خُود مِه اَسْتُم.
 ۱۶ لَیْکِنِ اَمْزِی خَاطِرِ خُدا دَ بِلِه اَز مِه رَحْمِ کَد
 تا کِه مَسِیْحِ عِیْسَىٰ صَبْرِ-وَ-حَوْصِلِه خُورِه اَز پِگ
 کَدِه اَوْلْتَرِ دَز مِه نِشَوِ بَدِیَه وَ مَرِه یِگ نَمُونِه جُور
 کُنِه تا تَمَامِ کَسایِ کِه مَرِه مِیْنِگَرِه دَزُو اِیْمَانِ
 بَیْرِه وَ صَاِحِبِ زِنْدَگِیِ اَبَدِیِ شُنِه. ۱۷ دَ خُدايِ
 یِکْتا، دَمَزُو پادشاهِ جاویدانی، نِیست نَاشُدَنی وَ
 نَادِیدَنی، عِزْتِ وَ جَلالِ تا اَبَدُالْاَبادِ. آمین.

۱۸ ای تِیموتائوسِ باچِه مِه، اِیْنِمِی حُکْمِ رِه
 دَ مُطابِقِ نَبُوتِ هایِ کِه اَز پِیشِ دَ بارِه اَز تُو
 کُفْتِه شُدُد، دَز تُو مِیْدُم تا دَ وَ سِیْلِه اَمْزُو تورايِ
 نَبُوتِ دَمَزِی جِنْگِ نِیکو مَبارَزِه کُنِی ۱۹ وَ اِیْمَانِ
 وَ وِجْدانِ پاکِ خُورِه نِگَاهِ کُنِی. چُون بَعْضِی
 کَسا اَمْیِ چِیزا رِه رَدِ کَدِ وَ اِیْمَانِ ازوا تَباهِ شُد،

امو رقم که یگ کِشتی دَ طوفان میده موشه.
۲۰ هیمینائوس و سِکندر از جُمله امزو کسا آسته
که ما اونا ره دَ چنگِ شَیطو ایله کدُم تاکه درسِ
عِبَرَت بَگیره و دِیگه کُفرگویی نَکنه.

هِدایت دَ باره دُعا و عِبادت

۱ امزی خاطر ما از پگ کده اوّل تاکید
۲ مُونُم که درخاست ها، دُعا ها، شفاعت
ها و شکرگزاری ها دَ درگاهِ خُدا دَ حقِ پگ
مردُم تقدیم شُنه، ۲ دَ حقِ پادشایو و تمامِ کسای
که صاحبِ اِختیار آسته، تاکه مو بتنی دَ صلح
و آرامش و دَ کمالِ خُدا ترسی و با آبرو زندگی
خوره تیر کنی. ۳ اینمی کار دَ نظرِ خُدا، یعنی
نجات دهنده مو، نیک و قابلِ قبول آسته.
۴ او میخایه که پگِ مردُم نجات پیدا کنه و
حقیقت ره بفامه، ۵ چون خُدا یگ آسته و دَ
بَینِ خُدا و انسان تنها یگ واسطه وجود دره
که او شخص مسیح عیسی آسته. ۶ او جان

خُو ره دَ عِنوانِ فِدیه بِلدِه تمامِ بَشَر دَد. امی
خود شی یگِ شاهِدی آسْتِه که دَ وختِ مُناسِب
رُخ دَد. ^۷ و بِلدِه امزی منظُور ما واعِظ و
رَسول و معلِمِ تعینِ شُدْم تاکه دَ مِلَّتِ های غَیرِ
یهُودِراهِ ایمان و حَقِیقتِ ره بیانِ کُنْم. اینمی توره
دروغِ نَبیه، بَلکِه راسِ آسْتِه. ^۸ پس، آرزوی مه
اینی آسْتِه که مَرَد ها دَ تمامِ جایا بَدُونِ قار و
نِفاقِ دِستای پاکِ خُو ره بِلند کده دُعا کُنه.
^۹ ما امچنان میخایم که خاتونو کالای مُناسِب،
با حِجاب و با عِزَتِ بُپوشه و خود ره قد موی
پُر کش-و-فَش و یا قد طِلا و مُرواری و کالای
قِیمتی آرایش نَکنه. ^{۱۰} برعکس، خاتونوی که
اِدعای خُداپَرستی مونه، بِلدِه ازوا مُناسِب آسْتِه
که خود ره قد اعمال و کِردارِ نیکِ آرایش کُنه.
^{۱۱} خاتونو باید دَ آرامی و دَ اِطاعتِ کَامِل
تعلیمِ دِینی حاصِل کُنه. ^{۱۲} اِجازه نَمیدُم که یگ
خاتُو درس های روحانی بَدیه و یا دَ بِله مَرَد ها
حُکمرانی کُنه، بَلکِه خاتونو باید آرام بَشینه.

۱۳ عِلَّتْ اِزى حُكْمِ اَيْنِمى اَسْتَه كَه خُدا اَوَّلِ اَدَمِ
 رَه خَلْقِ كَد و بَعْدِ اَزُو حَوَا رَه. ۱۴ و اَمِچْنَان،
 اَدَمِ بَازى نَخورد، بَلَكِه حَوَا بُوْد كَه اَز كُفْتِه
 شَيْطُو بَازى خورد و اَز اَمْرِ خُدا سَرِيچى كَد.
 ۱۵ اَكِه خَاثُونُو دَ اِيْمَان و مُحَبَّتِ اِدَامِه بَدِيَه و
 پَاك و بَا حَيَا بَشَه اُونَا دَ و سَبِيْلَه زَبَدُونِ اَوْلَادِ دَ
 اِى دُنْيَا نِجَاتِ پَيِدَا مُونَه.^a

اخلاقِ سرپرست و خِدْمَتِگَارِ جَمَاعَتِ اِيْمَانْدَارَا

۱ اِى تَوْرَه قَابِلِ اِعْتِمَادِ اَسْتَه: اَكِه يَكُو
 ۳ كَس شَوْقِ دَرَه كَه سَرِپَرَسْتِ جَمَاعَتِ شُنَه،
 اَو دَ اَرزَوِى يَكِ كَارِ حُوبِ اَسْتَه. ۲ پَس سَرِپَرَسْتِ
 جَمَاعَتِ بَايِدِ شَخْصِ بَ عَيْبِ و تَنهَا شَوِى يَكِ

^a ۲:۱۵ اِزى كَه پَوُلُسِ دَ چَنْدِيْنِ جَاى بِيَانِ مُونَه كَه نِجَاتِ
 دَ و سَبِيْلَه اَعْمَالِ اِنْسَانِ دَ دِسْتِ نَمِيِيَه، بَلَكِه دَ و سَبِيْلَه قُرْبَانِى
 عِيْسَى مَسِيْحِ، اَمزى خَاظِرِ مَعْنَاى اَمزى آيَه نَامَعْلُومِ اَسْتَه.

خاتو بَشَه. اُو باید آدمِ عقلتُو، خوددار،^a با آبرُو، مهمونواز و معلِمِ توانا بَشَه. ^۳ اُو باید شرابخور و جنگره نَبَشَه، بلکه یگ شخصِ مِهَرَبو و صلح طلب بَشَه، نه پیسه دوست. ^۴ اُو باید خانواده خُو ره خُوب اداره کُنه و اولادای شی باید قد احترامِ کامل ازو اطاعت کُنه. ^۵ چُون اگه یگو کس خانواده خود خُو ره اداره کده نَمیتنه، پس چطور میتنه که از جماعتِ ایماندارای خُدا نگاهوانی کُنه؟ ^۶ سرپرستِ جماعت نَباید شخصِ نو ایمان بَشَه؛ نَشْنه که اُو مغرور شُدَه رقمِ شیطو اَلی محکوم شُنه. ^۷ علاوه ازی، لازمه که دَ نظرِ مردُمِ خارج از جماعتِ ایماندارا نیکنام بَشَه تا که رسوا نَشْنه و دَ دامِ شیطو گرفتار نَشْنه. ^۸ خادِما ام باید آدمای مُحترم بَشَه، نه دُوروی. اونا از خوردونِ شرابِ گلو

^a ۳:۲ آدمِ خوددار یگ شخص آسته که خواهشاتِ نفس خُو ره اداره مَوکُنه و دَ اختیار خُو دَره.

و فایده حرام پرهیز کنه^۹ و رازِ ایمان^a ره قد
 وجدانِ پاک خُو نِگاه کنه. ^{۱۰} بیلید که اونا
 اولِ امتِحانِ شنه و اگه بے عیب بُود، اونا میتنه
 خدمت کنه. ^{۱۱} خاتونو^b ام باید آبرومند بشه،
 نه چُغل-و-غیبِتگویی، بلکه اونا خوددار و دَپِگِ
 کارا وفادار بشه. ^{۱۲} خادِما فقط یگ خاتو دشته
 بشه و بچکیچا و خانوادِه خُو ره دَ طریقه خُوب
 اداره کنه. ^{۱۳} خلاصه، کسای که به حیثِ خادِم
 خُوب خدمت مونه، اونا یگ درجه خُوب و مُعتَبَر
 بلده خُو حاصل مونه و اِعتمادِ ازوا دَ ایمانی که دَ
 عیسیٰ مسیحِ دَره، کَلو موشه. ^{۱۴} امی چیزاره دَ
 اُمیدِ ازی بلده تُو نوشته مُونم که دَ زودی دَ پیش
 تُو بییم، ^{۱۵} ولے اگه طال خوردُم، تُو موفامی که
 مردُم باید چی رقم دَ خانوارِ خُدا رفتار کنه. چُون

^a ۳:۹ بلده معنی «رازِ ایمان» دَ آیه ۱۶ رُجوع کُئید.

^b ۳:۱۱ کَلِمه «خاتونو» دَ اینجی میتنه دُو معنی دشته

بشه: یا «خاتونوی خدمتگارا» یا خاتونوی که «خودون
 شی خدمتگار» آسته.

امی خانوار، جماعتِ ایماندارای خُدای زنده یه،
یعنی اونا پایه و بُنیادِ حقیقت آسته.

۱۶ پگ مو موافقِ آستی که رازِ دین و دینداری
مو بزرگ آسته:

او دَ شکلِ انسان ظاهر شد،
روحِ اَلْقُدس حقیقت شی ره ثابت کد
و ملایکه ها او ره دید.

خوشخبری دَ باره شی دَ بَینِ مِلَّت
ها اِعلان شد

و مردُمِ دُنیا دَزُو ایمان اُورد.
و آخِرِکار او دَ بزرگی-و-جلال دَ عالمِ
باله بُرده شد.

پیشگویی دَ باره دُور شُدونِ مردُم از خُدا

۴ روح اَلْقُدس بطُورِ واضِحِ مُوگه که دَ زمانای آخِرِ بعضیِ مردُم از ایمان خُو^a دُور موره و دَ ارواحِ بازی دِهِنده تَوَجُه کده از تعلیماتِ جنیاتِ پیروی مونه. ^۲ ایطور تعلیمات دَ وسیله رباکاری دروغگویا دَ وجود مییه که وجدانِ ازوا بے حس شده، مثلِ که قد آینِ داغ سوختنده شده بشه. ^۳ اونا حتی از توی کدو و از خوردونِ بعضی خوراکا مردُم ره منع موکنه، از خوراکای که خُدا پیدا کده تا کسای که دَزُو ایمان دَره و حقیقت ره موفامه، قد شکرگزاری ازوا استفاده کنه. ^۴ چون هر چیزی ره که خُدا بلده انسان پیدا کده، اگه قد شکرگزاری قبول شنه، خُوب و قابلِ استفاده یه و نباید رد شنه،

^a ۴:۱ «از ایمان خُو» یعنی از ایمان دَ خُدا و عیسی

۵ چراکه هر خوراک دَ وسیله کلامِ خدا و دُعا پاک-و-حلال موشه.

نصیحتِ بلده خادمِ خوبِ مولا مسیح

۶ اگه ای تورا ره دَ برارو یادِ بدی، اوخته تُو یگ خادمِ خوبِ مسیح عیسی جور موشی. پس حقیقتای ایمان و تعلیمای خوبِ که تُو از شی پیروی مونی، توره پرورش مونه. ۷ دَقصه های بے ارزش و نقل های آجه گو توجّه نکو.

دَ خدایپرستی کوشش و عادت کو، ۸ چراکه تمرین و ورزشِ بدنی فایده کم دره، ولے دینداری و خدایپرستی از هر نگاه فایدمنده و بلده زندگی فعلی و زندگی ابدی وعده و امید میدیه. ۹ ای توره دُرست و کاملاً قابلِ قبول آسته. ۱۰ بلده امزی هَدَف مو کوشش مونی و زحمت میکشی، چُون امیدِ ازمو دَ خدای زنده یه که نجات دهنده پگِ مردم آسته، خصوصاً نجات دهنده امزو کسای که ایمان دره.

۱۱ ای چیزا ره دَزوا حُکم کده تعلیم بدی.
 ۱۲ هیچ کس ره نَه ایل که تُو ره از خاطرِ جوانی
 تُو حَقیرِ حساب کُنه، بلکه دَ گفتار، کردار،
 مُحَبَّت، ایمان و پاکی بلده ایماندارا یگ اَلگُو
 بَش. ۱۳ تا اَمَدونِ ازمه خود ره دَ قِرائتِ کلامِ
 مُقَدَّس، دَ تشویقِ کدو و دَ تعلیمِ دَدونِ ایماندارا
 مَشغُول کُو. ۱۴ نِسَبَتِ دَ نِعْمَتِ روحانی که دَز تُو
 و جُودِ دَره بے پَرِوا نَبَش، چُون ای نِعْمَتِ دَ وَسِیلَه
 پیشگویِ و قد دِست کشیدو دَ بِلَه از تُو تَوَسُّطِ
 بَزُرگایِ ایماندارا دَز تُو دَدَه شُد. ۱۵ دَمزِ چیزا
 کَلو زَحمتِ بَکَش و خود ره وَقْفِ ازوا بُو تَا که
 پیشرفتِ تُو بلده پگ معلوم شَنه. ۱۶ دَ فِکْرِ خود
 خُو و تعلیمِ خُو بَش و دَ عملی کدوِنِ امزی کارا
 سخت کوشش کُو، چُون دَ ای وَسِیلَه ام خود خُو
 ره و ام کسای ره که دَ گفتارِ از تُو گوش میگیره،
 نِجاتِ میدی.

رفتار دَ مُقَابِلِ أَفْرَادِ مُخْتَلِفِ دَ جَمَاعَتِ اِیْمَانْدَارَا

۱ آدم ریش سفید ره هرگز د تلخی-و-تندی
۵ سرزنش نکو، بلکه او ره رقم آته خو آلی
د ملایمت نصیحت کو. قد مردای جوان رقم
برارای خو آلی، ۲ قد خاتونوی پیر رقم آبه خو
آلی و قد دخترن جوان رقم خوارای خو آلی د
پاکی رفتار کو.

۳ خاتونوی بیوه ره که واقعاً بیوه بشه، عزت
کو. ۴ a و اگه یگ خاتون بیوه اولادا یا نوسه گو
دشته بشه، بیل که اول اونا مسئولیت دینی خو
ره د جای آورده حق آته و آبه و بابه کلونای
خو ره پوره کنه، چراکه ای کار د نظر خدا
قابل قبول آسته. ۵ خاتونی که واقعاً بیوه یه
و هیچ کسی ره ندره، امید ازو د خدا یه و

a ۳: ۵ امی آیه ایطور معنی میدیه که خاتونوی بیوه باید

ام عزت شنه و ام کومک مالی.

اُو شاو و روز خُو ره دَ راز-و-نیاز و دَ دُعا
 تیر مُونه. ^۶ مگم خاتُونِ بیوه که تسلیمِ عیاشی
 موشه، حتی اگه زنده ام بَشه، دَ حقیقت اُو
 مُرده یه. ^۷ ای چیزا ره دَزوا امر کُو تا که اونا از
 ملامتی دُور بَشه. ^۸ اگه یگو کس ضرورت های
 قومای خُو ره و خصوصاً ضرورت های اعضای
 خانواده خُو ره تهیه نکنه، اُو اصلاً ایمان خُو
 ره انکار مُونه و از یگ شخصِ بے ایمان کده
 بدتر آسته. ^۹ خاتُونِ بیوه که سن شی کلوتر از
 شصت سال بَشه و از یگ شوی زیاد نکده بَشه،
 باید نام شی ثبت شنه. ^{۱۰} علاوه ازی، اُو باید دَ
 نیکوکاری معروف بَشه: مثلاً، بچکیچا ره تربیه
 کده بَشه، مهمونواز بُوده بَشه، پایای ایماندارا

ره شُشته بَشه^a و دَ یاری بے چاره گو رسیده بَشه.
 خُلاصه، اُو باید دَ هر کارِ نیک عمل کده بَشه.
 ۱۱ لیکن نامِ خاتونوی بیوه جوان ره نوشته نکو،
 چون وختی خواهشاتِ نفسانی ازوا اونا ره از
 مسیح دُور کنه، اونا خواهشِ توی کدو ره مونه.
 ۱۲ اوخته قد ازی کار خُو اونا پیمانِ اولی خُو ره
 قد مسیح میده مونه و ملامت موشه. ۱۳ علاوه
 ازی، اونا بے کاری و ثمبلی ره یاد میگیره و
 خانه دَ خانه میگرده؛ اونا نه تنها بے کاره و
 ثمبل موشه، بلکه دُوانداز و چُغُول ام موشه و
 چیزای ره مَوگیه که نباید بُوگیه. ۱۴ ازی خاطر
 ما خواهش مُونم که بیوه های جوان دُوباره شوی
 کنه و صاحبِ بچکیچا شده دَ خانداری مشغول

^a ۱۰:۵ اصلی نُسَخه مَوگه: "شُشتونِ پایای مُقَدَّسین."
 مُقَدَّسین یعنی «ایماندارا.» دَ زمانِ قدیم شُشتونِ پایا از
 یگو کس نشانی «خِدمت کدو» دَزُو شخص بُود. عیسی
 مسیح خود شی پایای دوازده یار خُو ره شُشت و دَ پیرِوای
 خُو امر کد که اونا ام امی عمل ره اجرا کنه.

شُنه و بَلدِه دُشمو مَوَوعِ مَلامَتِ کدو ره نَدیه.
 ۱۵ چُون بَعْضی از خاتُونوی بیوه پیش ازی ام
 گُمراه شُدِه و از پُشتِ شَیْطو رفته. ۱۶ اگه یَگو
 خاتُونِ ایماندار دَ مَنِه قَومای خُو بیوه ها دَشته
 بَشِه، بیل که خود شی اُونای ره یاری بَدیه تاکه
 اُونای بارِ دوشِ جماعتِ ایماندارا نَشنه. دَزی
 رقمِ جماعتِ ایماندارا مِیتنه دَ بیوه های واقعی
 کومک کُنه.

رفتار قد بزرگای جماعت

۱۷ بزرگای که کارای جماعت ره دَ خوبی پیش
 موبره، خصوصاً اُونای که دَ وَعظ و تَعْلیمِ
 کلامِ زَحمتِ میکشه، مُسْتَحَقِّ دُو برابرِ اِحترام
 بَشِه. ۱۸ چُون نَوشته های مُقَدَّسِ مُوگیه: ”دانِ
 گاو ره دَ غَیتِ جُغُولِ کدو بسته نَکو.“ و
 امچنان مُوگیه: ”کارگرِ حقدارِ مُزدِ خُو آسته.“
 ۱۹ هیچ تَهْمَتِ ره دَ ضِدِ یَگو بزرگِ جماعت
 قَبُولِ نَکو، سِوای که دَ وَسِیلِه دُو یا سِه شَاهِدِ

تایید شنه. ^{۲۰} لیکن اُونای ره که دَ گُناهِ خُو
 اِدامه میدیه، دَ پیشِ پگ سرزَنش کُو تاکه
 دیگرو عِبَرَتِ گِرِفْتَه ترس بُخوره. ^{۲۱} دَ حُضُورِ
 خُدا و مسیحِ عیسی و ملایکه های اِنْتِخاب
 شُده، تُو ره قَسَمِ مِیْدُم که ای دِسْتُورا ره بَدُونِ
 تَعْصَب-و-تَبَعِیضِ اِجرا کُو و هیچ کاری ره از
 رُوی طرفداری نَکُو.

^{۲۲} دَ دِسْتِ کَشِیدو بِلِه کس^a عَجَلِه نَکُو و دَ
 گُناهای دیگرو ام شَرِیک نَشو. خود ره پاک
 نِگاه کُو. ^{۲۳} امچنان، تنها آو وُچی نَکُو، بَلْکِه
 از خاطرِ کُورِه خُو و از خاطرِ ناجوریای که اَکْثَرِ
 وخت دَری، یگ کَمک وَری شرابِ اَنگُور ام
 وُچی کُو.

^a ۲۲: ۵ «دِسْتِ کَشِیدو دَ بِلِه کس» دَ ای معنی بُود که
 اُو شخص ره بَلْدِه خِدْمَتِ خُداوند اِنْتِخاب مُوکد و رهبرای
 جماعت اُو ره دَ یگ وِظِیفَه مُقَرَّر مُوکد (دَ ۱۴: ۴ ام توخ
 کُنِید و یا دَ اَعْمَالِ رَسُولان . ۶: ۶)

۲۴ گناهای بعضی کسا امی آلی معلومدار
 آسته و اونا ره سُون جزا میکشنه، ولے گناه
 های بعضی کسای دیگه پسان بَرَمَلا موشه.
 ۲۵ امی رقم اعمال نیک ام معلومدار آسته و
 حتی اگه آلی بَرَمَلا نَبْشه، اونا نَمیتنه بلده
 همیشه تاشه بُمَنه.

نصیحت دَ غُلاما و بادارها

۱ اَو کسای که دَ تَی یُوغِ غُلامی آسته،
 بیلید که آربابای خُو ره لایقِ اِحترامِ کامل
 بدنه تا هیچ کس دَ باره نامِ خُدا و تعلیمِ مسیح
 بدگویی نَکنه. ۲ غُلامای که آربابای ایماندار
 دره نباید دَ دلیلِ ازی که برارِ دینی شی آسته،
 دَزوا بے اِحترامی کنه، بلکه اونا باید خُوبتر
 خدمت کنه، چُون اَو کسای که از خدمتِ ازوا
 فایده میگیره، مومِن و عزیزِ ازوا آسته.

نصیحت دَ بارِه تعلیمِ غَلَط و ثُرُوتِ حَقِیقِی

ای چیزا ره تعلیمِ بدی و دَ بارِه شی تاکید
کُو. ^۳ اگه کسی یگو تعلیمِ دیگه بدیه و تعلیم
شی قد تورای صالحِ مَولای مو عیسیٰ مسیح و
قد تعلیمِ دینداری سَم نه یه، ^۴ اُو شخص خود
پسند آسته و هیچ چیز ره نَمُوفامه. برعکس،
ای رقم آدم علاقِه ناسالمِ دَ جَر-و-بحث کدو و
جنجال کدو دَ بارِه کلمه ها دَره که نتیجه شی
تنگچشمی، سیالرداری، دَو-و-دشنام و بدگمانی
آسته. ^۵ ایطور نفرأ دَ بَین خُو همیشه اِختِلافِ
نظر دَره و فکرِ ازوا فاسد شُده. اونا از حقیقت
دُور آسته و گمان مونه که دینداری یگ و سبیله
بلده منافعِه پُولی آسته. ^۶ دَ حقیقت، دینداری
که قد قِنَاعَتِ قتی بَشه، یگ مَنعِ کُتِه منافع
آسته. ^۷ ازی که مو هیچ چیز ره قد خُو دَ ای
دُنیا نه اُوردی، ای ام ثابت آسته که مو هیچ
چیز ره ازی دُنیا قد خُو بُرده نَمیتنی. ^۸ پس اگه

مو خوراک و پوشاک دَری، دَمَرُو باید قِنَاعَت
 کنی. ^۹ مگم اُونای که میخایه پُولدار شُنه، دَ
 وِسَوَسَه و دَ دامِ آرزوهای بے فایده و نُقصانِ ده
 گِرِفَتار مُوشه که آدما ره سُون تباھی و نابُودی
 مُوبَرَه. ^{۱۰} پُول دوستی سرچشمه هر رقم بدی
 آسته و بَعْضی کسای که دِل شی پیسه ره تَلَوَس
 کده، اونا از ایمان دُور شُده و خود ره قد دَرَد
 و رَنج های کَلو گِرِفَتار کده. ^{۱۱} لیکن تُو، آی
 تیموتائوس بنده خُدا، ازی چیزا دُوتا کُو. دَ
 دُمبالِ راستی، خُداپرستی، ایمان، مُحَبَّت، صَبْر
 و نَرَمی بگرَدُو. ^{۱۲} دَ مُسابقَه بزرگِ ایمان زَحمت
 بَکَش و زِندگی اَبَدی ره محکم بَگیر، چُون خُدا
 تُو ره بَلدِه امزی مقصد کُوی کده و تُو ام دَ پیشِ
 شاهِدای کَلو دَ ایمان خُو اقرار کدی.

نصیحتِ خاصِ پوئس بَلدِه تیموتائوس

^{۱۳} دَ حُضُورِ خُدا که پگ ره زِندگی میدیه
 و عیسیٰ مسیح که دَ مُقابِلِ پُنطیوس پیلاتس

شاهدی نیکو دَد، ما تُو ره وِظیفه میدیم
۱۴ که ای حُکم ره بَدُونِ کَمی-و-کاستی و بَدُونِ
ملامتی تا روزی که مَولای مو عیسیٰ مسیح
ظهُور مونه، نگاه کنی.

۱۵ خدای مُتَبَارَک، یکتا و قَادِرِ مُطْلَق

که شاهِ شاهان و رَب-الارباب آسته،
امو واقعه ره دَ زمانِ مُعینِ شی پوره مونه.

۱۶ تنها او آسته که هرگز از بَینِ نَموره

و دَ ای رقمِ نور و جُودِ دَره

که هیچ کس نَمیتنه دَز شی نزدیک شنه.

هیچ انسان او ره نَدیده و ام نَمیتنه

او ره بِنگره.

عِزَت و قُدْرَت تا اَبَدًا اَباد ازو باد. آمین.

۱۷ دَ سرمایه‌دارای ازی دُنیا حُکم کُو که مغرور

نَبشه و دَ مال-و-دَوْلَتِ که دایمی نییه، تَوَکَّل

نکنه، بَلِکِه دَ خُدای اُمید دَشته بَشه که هر چیز

ره دَ سَخاوتَمندی دَز مو موبخشه تاکه مو ازوا

لِذَتِ بُبری. ۱۸ دَزوا اَمْر کُو که خُوبی کنه و

د کارای نیک غنی بښه، د ست واز دښته بښه
و از سرمایه خو د دیگر و بخشش کنه. ^{۱۹} دزی
طریقه اونا بلده خو یگ گنج ذخیره مونه که یگ
بنياد محکم بلده آینه ازوا آسته و اونا صاحب
ازو زندگی موشه که زندگی واقعی آسته.

^{۲۰} ای تیموتائوس، امی احکام ره رقم یگ
امانت محفوظ نگاه کو. از ایله گویی و
مباحثاتی که بطور غلط د نام «دانش» یاد
موشه، دوری کو، ^{۲۱} چون بعضی کسای که
خود ره د ای چیزا متخصص میدنست از ایمان
دور شد. فیض و سلامتی نصیب پگ شمو شنه.
آمین.